

Ը

ՈՒՏԻԱՅՈՑ ԱՇԽԱՐՀԻ ԱՐԱԿԱՆ ԵՒ ԻԳԱԿԱՆ  
ՍԵՌԻ ԱՅԺՄԵԱՆ ՀԱԳՈՒՍՏՆԵՐԻ ՁԵԻԸ

Ուտիացոց երկրի սղամարդիկը հագնում են Կովկասեան միւս Հայ գիւղացոց պէս. այն է՝ շապիկ, վարտիկ, անդրավարտիկ (գործուած շալէ շալվար), բաճկոն (արխալուղ) մէջքին կապում են կաշիէ կամ արծաթապատ գօտի, գլխին՝ ոչխարի հասարակ մորթուց գլխարկ (փափախ), ոտքերին՝ գուլպայ կամ բրդէ թելից գործած փածաւայ (փաթաթոց), իսկ վերեւից տրեխ (չարուխ) կամ բարձր կրունկով մաշիկներ (քօշեր), որ սովորաբար հագնում են պատուաւոր և հարուստ գիւղացիք: Չմոռանամ ասել, որ ամեն մի գիւղացու անրաժան ընկերն է նրա սուր դաշոյնը, որ կախում է իւր գօտկուց և կամ չուխայի տակից խրում է գօտկի մէջ՝ արիւնարբու աւագակներից պաշտպանուելու համար: Որսորդները կրում են իրենց ուսերի վրայ «չախմախլու» ասուած հրացան, որի անպէտք լինելը իրենք գիւղացիք էլ շատ լաւ են հասկանում: Նոր ձևի հըրացանի համար հոգի են տալիս, բայց երբոր յայտնի պատճառով այդպիսի հրացան չեն կարողանում ձեռք գցել, այն ժամանակ, անճարացած, հին ու անպէտք հրացան են գործածում: Իսկ կանայք հագնում են մի տարօրինակ հարուստ, որ շրջակայ թուրքերի և սարեցի հայա-